

Hmong - Zoo Xaav Vaajtsvv Ntawv - Good Mind Scriptures

1 Kevcai 24:12 Puab muab tug yawm hov kaw moog txug thaus kws puab paub tas Yawmsaub has kuas ua le caag tsua nwg.

2 Kevcai 18:6 Yog cov Levi huv Yixayee tebchaws tug twg xaav tawm huv nwg lub vaaj tse moog tsua huv lub chaw kws pe Vaajtsvv, mas nwg kuj moog tau hab.

Luv 1:18 Thaus Na-aumi pum tas Luv muaj sab nrug nwg moog tag tag nwg txawm tsw has lawm.

Nehami 4:6 Peb txha sws paab nroog puab lub ntsaa loog, mas tsw ntev peb tub puab tau lub ntsaa loog sab txug nraab lawm, vem tej pejxeem kub sab ua num.

Paaj Lug 29:11 - Paaj Lug 5:13 Tam tuabneeg nuav yog tam kws ua phem, mas suavdawg suav has tas cov tuabneeg kws txawj ntse yog cov kws nyob tuab yvv ntsag quas tu tsw has daabtsw.

Malakau 5:15 Thaus puab tuaj txug ntawm Yexu puab pum tug quasyawg raug daab tub zoo lawm, nwg nyob quas tsawg ntawm, nwg naav rwg tsho hab meej pem lawm, puab pum le hov puab ntshai kawg le.

Luka 8:35 Tej tuabneeg suavdawg txawm tawm tuaj moog saib tej hov yog le caag. Thaus puab tuaj txug ntawm Yexu puab pum tug yawm kws raug daab hov meej pem lawm, nwg naav rwg tsho hab nwg nyob quas tsawg ntawm Yexu kwtaw. Tes cov tuabneeg kws pum, suavdawg ntshai kawg le.

Cov Tubkhai Teg Num 17:11 Cov tuabneeg kws nyob hov sab daav mas Povlauj yoojyim qha dua cov kws nyob peg lub moos Thexalaunike. Cov tuabneeg Npelaya muab tsua sau sab noog Vaajtsvv txujlug hab naj nub kawm huv Vaajtsvv phoo ntawv saib muaj lawv le tej lug kws Povlauj qha los tsw muaj.

Cov Tubkhai Teg Num 20:19 Txawm yog cov Yutai pheej tuav huv ua phem tsua kuv kuas kuv raug kev txom nyem los kuv tseem ua sab ntev ua Vaajtsvv teg num. Thaus kuv ua tej num hov muaj qee zag lug kuv kua muag kawg le.

Loo 7:25 Kuv ua Vaajtsvv tsaug tsua qhov peb tug tswv Yexu Kheto paab tau kuv dim. Kuv lub neej yeej ib txwm zoo le qhov kws kuv yuav has nuav. Kuv lub sab ua lawv le tej kws Vaajtsvv kuas kuv ua, kuas kuv lub cev ua lawv le tej kws txujkev txhum kuas kuv ua.

Loo 8:6 Tug kws ua lawv le lub sab qub mas yuav raug kev pluj kev tuag.

Kuas tug kws ua lawv le tej kws Vaajtsvv tug Ntsuj Plig qha, mas yuav tau ua tuabneeg tshab, hab yuav tau nyob kaaj sab quas lug.

Loo 8:27 Vaajtsvv kws paub tuabneeg lub sab yeej paub tej kws Vaaj Ntsuj Plig thov. Tsua qhov tej kws Vaajtsvv tug Ntsuj Plig thov Vaajtsvv paab cov kws ntseeg, mas yeej yog lawv le Vaajtsvv lug sab nyam.

Loo 11:34 Lawv le tub muaj lug sau ca tsua huv Vaajtsvv phoo ntawv has tas, Yeej tsw muaj leejetwg yuav paub Vaajtsvv lub sab, Yeej tsw muaj leejetwg yuav txawj qha Vaajtsvv.

Loo 12:2 Mej tsw xob ua mej lub neej zoo le tej tuabneeg kws tsw noog Vaajtsvv lug naj nub ua, kuas mej yuav tsum ca Vaajtsvv muab mej lub sab ntxeev dua tshab. Yog mej ua le hov mej txha paub ua zoo lawv le Vaajtsvv lub sab nyam.

Loo 12:16 Mej yuav tsum hlub txhua tug ib yaam nkaus, tsw xob hlub ib tug tseg ib tug. Tsw xob khaav theeb. Yog luas kuas mej ua tej num kws tsw tseem ceeb pes. tsawg mej ca le ua. Mej tsw xob xaav has tas, mej yog tuabneeg txawj ntse.

Loo 14:5 Muaj qee leej xaav has tas, muaj qee nub txha yog nub tseem ceeb kws yuav pe Vaajtsvv. Kuas muaj qee leej xaav has tas, txhua nub puav leej tseem ceeb ib yaam nkaus. Yog le ntawm nyag ca le ua lawv le nyag xaav has tas zoo.

Loo 15:6 Yog mej ua le ntawm mej txha ua tau ib lub sab qhuas Vaajtsvv kws yog peb tug tswv Yexu Kheto leej txwv.

1 Kauleethau 1:10 Cov kwvtij, peb tug tswv Yexu Kheto kuas kuv ntuag mej suavdawg has tas, mej tsw xob sws caav sws tshe mej txha tsw tawg ua ob peb paab ob peb pawg. Mej yuav tsum ua ib lub sab hab xaav ib yaam nkaus.

1 Kauleethau 2:16 Lawv le tub muaj lug sau ca tsua huv Vaajtsvv phoo ntawv has tas, Tsw muaj ib tug yuav paub Vaajtsvv lub sab le, Hab tsw muaj ib tug yuav txawj qha Vaajtsvv. Txawm yog le caag los xwj. Peb puav leej xaav ib yaam le Yexu Kheto xaav.

2 Kauleethau 7:7 Tsw yog le ntawm xwb, Titau tuaj qha tsua peb has tas, mej txhawb Titau tug zug. Hab nwg kuj has peb tas, mej xaav xaav pum kuv, hab nwg has tas, tej kws mej ua lug lawm ua tsua mej ntxhuv sab kawg le. Nwg has tas, mej muab sab npuab kuv heev. Tej ntawm ua tsua kuv zoo sab kawg nkaus le.

2 Kauleethau 8:12 Yog mej zoo sab quas hlo paab lawv le mej muaj, mas Vaajtsvv kuj zoo sab yuav npaum le ntawm. Yeej tsw muaj leejetwg thov

te j kws mej tsw muaj. (1 Vaaj Teg Num 28:9)

- 2 Kauleethau 9:2 Kuv yeej paub has tas, mej puav leej yuav zoo sab paab.**
Kuv tub qhuas mej tsua cov tuabneeg kws nyob peg Makatauna tebchaws has tas, cov kwvti j kws nyob huv Kili tebchaws tub xub npaaj nyaj txag ca tseb nua lug lawm. Qhov kws mej kub sab quas lug xaav paab tub ua tsua puab raag dheev ua teg num nuav.
- 2 Kauleethau 13:11 Cov kwvtij, kuv le lug muaj npaum le nuav xwb.** Mej yuav tsum muab tsua sau sab xyum ua zoo kawg nkaus. Mej ca le khaws kuv tej lug ca, suavdawg ua ib lub sab hab ib leeg tsw xob nrhav xaiv nrhav lug tsua ib leeg. Yog mej ua le hov mas Vaajtsvv kws hlub mej hab pub mej tau nyob kaaj sab quas lug txha nrug nraim mej nyob.

Efexau 4:23 Mej yuav tsum ca Vaajtsvv pub lub sab tshab tsua mej.

Filipi 2:2-5 Kuv thov kuas mej txhua tug muaj lub sab xaav ib yaam nkaus, muaj sab sws hlub ib yaam nkaus, hab suavdawg koom ua ib lub sab, ib tug nrug ib tug sws raug zoo. Yog mej ua le ntawm yuav ua tsua kuv zoo sab kawg le. 3 Mej tsw xob ua ib yaam daabtsw kuas zoo tsua mej lossws kuas luas qhuas mej xwb. Mej yuav tsum txu mej tug fwjchim, ib leeg tsw xob khaav has tas, ib leeg zoo dua ib leeg. 4 Mej tsw xob xaav txug mej xwb, mej yuav tsum xaav txug lwm tug hab. 5 Tswm nyog mej ua lub sab zoo ib yaam le Yexu Kheto lub.

Filipi 4:2 Yu-auta hab Xitikhe, kuv thov ntuag meb kuas meb nyob sws hum txha tswm nyog has tas, meb yog ob vevncaug kws ntseeg Vaajtsvv.

Filipi 4:7 Thaus kws mej nyob huv Yexu Kheto mas nwg txujke sab tug kws tuabneeg tsw txawj nkaag sab yuav kaav mej lub sab hab tsom kwm mej. (Yaxaya 26:3)

Kaulauxai 3:12 Mej yog Vaajtsvv cov tuabneeg. Vaajtsvv hlub mej hab tub xaiv mej ca ua nwg cov mivnyuas lawm, mas mej yuav tsum hlub lwm tug, ua sab zoo, tsw xob khaav theeb, ua sab mog sab muas hab ua sab ntev.

2 Thexalaunike 2:2 mej tsw xob rawm poob sab lossws ntxhuv sab tsua qhov kws mej nov has tas, tub txug lub swmhawm kws tug tswv Yexu yuav lug lawm. Tej zag ntshai muaj ib tug qha tej kws yuav muaj lug yaav tom hauv ntej nwg tau has le ntawm, lossws muaj ib tug qhuab qha nwg tau has le ntawm, lossws muaj ib tug has tas, yog peb sau le nuav tsua huv peb tsaab ntawv los tsw paub.

2 Timaute 1:7 Tsua qhov Vaajtsvv tug Ntsuj Plig kws Vaajtsvv pub tsua peb, nwg yeej xaav kuas peb muaj sab tuab. Nwg yuav ua num tsua huv peb lub sab kuas peb muaj fwjchim, muaj sab hlub lwm tug hab kuas peb

paub tswj peb lub sab.

Titau 2:6 Koj yuav tsum qha cov tub hluas ib yaam nkaus kuas puab paub tswj puab lub sab.

Heplais 8:10 Txuj nuav yog txuj kevcai kws kuv yuav muab tsua cov tuabneeg Yixayee. Vaajtsvv has tas, yaav tom qaab kuv yuav ua kuas puab ncu ntsoov kuv txuj kevcai, Hab kuv yuav sau txuj kevcai ntawm tsua huv puab lub sab. Kuv yuav ua puab tug Vaajtsvv. Puab yuav ua kuv le tuabneeg.

1 Pestus 1:13 Yog le ntawm mej yuav tsum tu mej lub sab zoo zoo ca, mej yuav tsum kub sab quas lug ua kuas hum Vaajtsvv sab, hab ca sab ntsoov has tas thaus Yexu Kheto rov qaab lug Vaajtsvv yuav pub Vaajtsvv txuj koob txuj moov tsua mej.

1 Pestus 5:2 Mej yuav tsum yug paab yaaj kws Vaajtsvv muab tsua mej saib. Vaajtsvv tub pum zoo muab teg num ntawm tsua mej ua lawm. Mas mej yuav tsum zoo sab quas hlo ua tsw xob laam ua. Mej yuav tsum muab tsua sau sab ua tag tag, tsw xob pheej xaav txug tej nqe zug kws mej yuav tau xwb.

2 Pestus 3:1 Cov kwvtij kws kuv hlub, tsaab ntawv nuav yog tsaab ob kws kuv sau xaa tuaj tsua mej. Tsaab ntawv nuav hab tsaab kws kuv xub sau xaa tuaj tsua mej lawm, kuv sau tuaj has mej txhua tug kws lub sab ncaaj nceeg kuas mej ncu ntsoov tej kws mej tub paub lawm.

Yakaupau 1:17 Ib puas tsaav yaam kws zoo, hab tej koob tej moov kws zoo kawg nkaus yeej yog Vaajtsvv pub tsua peb. Vaajtsvv yog tug kws tswm lub nub lub hli hab cov nub qub kws nyob sau nruab ntug. Lub nub lub hli yeej ua tsua nplajteb txawj kaaj txawj tsaus, kuas Vaajtsvv tsw zoo le ntawm, Vaajtsvv nwg yeej zoo nwg le qub. (Yauj 23:13)

Qha Tshwm 17:9 Tug kws muaj tswvyim nwg yeej yuav to taub zaaj nuav. Nam tsaj ntawm xyaa lub taubhau yog xyaa lub pov roob kws tug quaspuj ntawm nyob. Xyaa lub pov roob ntawm yog xyaa tug vaaj ntxwv.